


TRACTATVS de Cambijs.

Auctore Fratre Fabiano Genuensi absolu-
tissimo Theologo, Ordinis Ere-
mitarum Sancti Augustini
in Romana curia
Procuratore.



Romæ, in Aedibus Antonii Bladi
M. D. LVI.

S. Andrea



della Valle

STATVS

de Campis

Adhuc hinc et inde Germani
etiam et Thuringi, etiam
etiam etiam etiam
in Germani
etiam etiam



Roma in Aedibus Augustinis

M. D. L. V.



Reuerendissimo in Christo Patri & Dño Hierony-
mo Salernitano Archiepiscopo, frater Fabia-
nus Genuensis ordinis fratrum Eremita-
rum S. August. congregationis S.
Mariæ de Consolatione per-
petuam felicitatem. D.



Cum multorum hortationibus ac fla-
gitationibus deesse non possim, quod
in lucem edam id, quod iussu Reuerendi
Vicarii Reuerendiss. nri Archiep-
D. Hieronymi Saulis, ad Dei hono-
rem & animarum salutem, duobus annis antea conscripsi,
de his Cambiis, quæ vocantur de Lugduno aut Beze-
zono, meæ in te obseruationi conuenire visum est, hæc
elucubrationem, qualiscumque illa sit, sub tuo nomine in lu-
cem emittere: cum certo sciam, quemadmodum sub assis-
tendo, prudenti, & catholico tuo regimine Salernita-
na Ecclesia, tum in moribus, tum in christiane vite offi-
ciorum, & admodum decoratur: ita & Augustiniana
nostra religio duodecim annos vigilantissima, atque ar-
dentissima gubernata tua administratione, in Diuino
cultu, sanctisque moribus, atque institutis, fuit mirabi-
liter instaurata, exulta, & magna ex parte illustra-
ta: cuius certe rei, omnes, qui huius Ordinis professionem
sequimur, memoriam retinere debemus sempiternam.
Misi facio id, quod meum precipue postulat officium, cum
Dño & omnipotenti Deo placuerit, ut inde usque a stu-
dio meorum primordiis, te omnium mearum bonarum re-
rum Duce cognouerim, ac deinde pro temporum opor-
tunitatibus (quæ tua est singularis benignitas) mul-

torū, quæ in nostra sunt religione ornāmētōrū, au-
ctor mihi fueris. Quapp Deo primū, & tibi scdo
loco, mea omnia semper accepta referā. Itaq; huic
Opusculo de Lugdunēsi Cambio, duas orationes
corā Sanctissimo Dñō. D. nostro, & Clarissimo Re-
uerendissimorū Cardinaliū senatu habitas, tanq̃ la-
borū meorū primitias, in hoc primo nostri Ordī-
nis procurationis meæ anno, mihi visum est adiun-
gere. Deinceps, vt hic meus libellus cuiusmodi nego-
ciorū & contractū ad mercatores pertinentiū ar-
gumentis exornetur, operę precium duxi vnā ede-
re eruditum & catholicum opus de vsuris, & ca-
rum restitutionibus, a Reuerendo & clarissimo
Doctore nostri Ordinis fratre Gerardo Senēsi elu-
cubratum. Quod quidem opus cū nōdum impres-
sum fuisset, & proximo anno ego essem Neapoli;
tua singulari benignitate factum est, vt huius libri
exemplū fuerim assequutus. Itaq; reliquum est, vt
sicut benignitas tua singularis, & meę sincerę serui-
tutis in te obseruatiā postulat, has meas elucuba-
tiunculas, vt tibi omni ex parte debitas, libet̃er ac-
cipere digneris: quas quum legere tibi contigerit,
quicquid emendatione dignum offendes, iudiciū
tui sinceritate, atq; illustri examīne corrigas. Quod
vero satis tibi faciet, vt a Deo ipso mihi eius seruo
inutili, & clientulo tibi obseruatissimo cōcessum,
hilarī animo accipias. Vale Religionis decus.

FRATRIS FABIANI GENVENSIS

absolutissimi Theologi Ordinis fratrum Eremitarum
S. Augustini, in Romana curia Pro-
curatoris, Tractatus de Lugdunensi
Cambio diligenter
examinatus.



NOMINE DOMINI

nostri Iesu Christi bñdicti amen.

Cum a Reuerendo Domino Ca-

prulensi Episcopo, Reuerendissi-

mi in Christo Patris & Domini

Hieronimi Saulis Archiepisco-

pi nostri Genuensis Vicario, pro

animarū salute, ad instantiam no-

strorum Dominorum ciuium, no-

bis in vnum eius iussu congrega-

tis, propositum fuerit, Vtrum Lugdunense, vel Bezenzonense

cambium, sine conscientia scrupulo, recteq; celebrari possit:

et audita super hoc negocio cuiuslibet nostrum sententia, no-

bis omnibus & singulis iniunctum fuerit, vt vnusquisq; nostrū

eandem clare distincteq; cōscriberet. Ego frater Fabianus Ge-

nuenfis Ordinis fratrum Eremitarum Sancti Augustini, Con-

gregationis Sanctę Marię de Consolatione, & si ob magnam

ingenioli mei imbecillitatem, atq; huius negocii nō modicam

difficultatem, aliorum sententias in hac re malem audire, quā

meam apponere: vt tamen ipsius Reuerendi Patris & Domini

Vicarii voluntati morem geram, Diuino in primis implora-

to subsidio, quid super hoc q̄ difficillimo negocio sentiam, salu-

o semper saniori iudicio, & in primis, vt decet, Sacro Sanctę

Romanę Ecclesię arbitrio, dicam, vt potero, q̄ breuissime.

¶ Et quoniam, vt ait Philosophus primo de Anima, principiu

demonstrationis est, quod quid est. Et primo Phy: rectus dicē

di modus secundum naturam, est cōmunia prius dicere, & po-

stea circa vnumquodq; propria speculari: atq; ex vniuersali

bus ad singularia oportet procedere: consequens est, vt hic ser-

mo noster a diffinitione, & a cōmuniōribus proficiscatur. In

T. c. vi.

T. c. 57.

T. c. 4.

Modus proce-

dendi in hor

tractatu.

primis itaq; in cōmuni describam, quid Cambium, & quid Ar-
campforia sit. Deinde positis quibusdā distinctionibus, ad pro-
positū quē sitī declarationem specialiter accedam.

Quid cābiū.

¶ Dico igitur primo, quod cambium, secundum vocabulum,
est omnis cōmutatio, id est, omnis cōmutatio, quęcunq; sit illa,
potest vocari cambium. Secundum verō vsum ad nostrū pro-
positum loquentium, est cōmutatio numismatum. vel forte, &
melius, est cōmutatio vnius generis in aliud genus numisma-
tum. Quę quidem cōmutatio a venditione differt sola mate-
ria, quia non est nisi circa pecunias: venduntur verō etiam reli-
qua omnia ad vitam & humanum vsum necessaria.

*Distinctio Cā-
biorum.*

¶ Huiusmodi autē Cambium duobus modis fieri potest. Vno
quidem modo sine literis. Altero vero cum literis, siue, vt com-
muniter dicitur, per literas. Sine literis quidem, quando eodem
in loco, & eodē tempore, numisma vnius generis, in numisma

*Cur Cambiū,
dicatur reale.*

alterius generis, efficaciter cōmutatur. Et sic huiusmodi Cam-
bium, vocatur Cambium reale tantū. Reale quidē, quia sine
quauis fictione, re ipsa, siue realiter, & cum effectu, numismata
diuersorum generum, quę sunt vere res, adinuicem cōmutantur.

Cur reale tm̄,

Cur Reale vero tm̄, quia absq; quouis literarū adminiculo, hui-
usmodi numismatum cōmutatio vere perficitur & complet.

*Cur ad minu-
tum.*

Vocatur etiā Cambium ad minutum, quia vt plurimum hui-
usmodi numismatum cōmutatio minute & in parta pecu-
niarum summa fit, sicut patet in numulariis illis, qui vulgari
vocabulo Bancharoti, & non Bancherii nuncupantur: vt
cum Petro habenti scutum aureum, numularius ibidē & tunc
dat monetam argenteam, vel e contrario. aut habenti vnius ge-
neris monetam puta Testonos vel Julios, dat monetā alterius
generis, puta Denarios minutos vel quātrinos, aut ecōtrario.

*Quā Cābium
reale p̄ literas
celebretur.*

Cambium verō reale per literas tunc fit, quādo ab altera com-
trahētium parte in vno loco siue regno datur numisma vnius
generis, & pro eo numismate ab altero contrahētium aliud nu-
mismatis genus alibi siue alio in regno, literarum (vt decet) ad-
miniculo, efficaciter cōsignatur. Huiusmodi enim Cambium

Cur p̄ literas

vocatur reale, ratione superius dicta. Vocatur vero Cambium
per literas, quia literis (vt decet) efficaciter, & cum effectu perfic-
itur, & completur. Quum. n. alijs quispiam negociandi gra-

tia volebat ad alium distantem locum se transferre, suas Camp-
psori dabat pecunias, vt congruo dato precio ipse Cāpsor suis
literis illo in loco pecunias illas ei consignari faceret. Vel quā-
uispiam habebat certam monetarū summā alibi plus valen-
tem, congruo dato premio, dabat illam Campsori, quatenus
ipse Campsor suis literis dictam pecuniam eo in loco sibi con-
signari faceret.

¶ Cambium vero Lugdunense aut Bezenzonense fit hoc mo- Quo Lugd.
do. Campsor enim spe lucri, congruo tempore, pro singulis Cābium celep
scuto de marcha sibi à venditore Lugduni aut Bezenzoni con- breiur.
signando, alio in Regno, puta Genuę, dat & soluit ipsi vendi-
tori precium, loco & tempore cōtractus cōmuniter currens,
puta solidos sexagintaquinq; & plus, aut minus, secundum va-
rios rerum euentus, puta abundantiam & penuriam emptorū
aut venditorum, vel copiam aut inopiam pecuniarum tunc ibi
contingentem, & id genus. Deinde confectis & missis ipsorū
Cambiorum literis, congruo tēpore, huiusmodi scuti de mar-
cha, siue potius eis equiualens, Lugduni aut Bezenzoni sibi
efficaciter, consignantur.

¶ Ars autem Campsoria, vt à Doctoribus cōmuniter dicitur,
est negotiatio in cōmutatione numismatum. Vel, & forte me-
lius, est Ars, qua quis potest scire negociari in cōmutatione nu-
mismatum. Huiusmodi autem ars Campsoria duobus modis
considerari potest. Vno quidem modo, vt est ordinata ad pu-
blicum in primis, & subinde ad cōdecens ipsius Campsoris pri-
uatū bonum. & hoc modo honesta & laudabilis, ac digna
congruo est premio, vt suo loco hic inferius patebit. Altero
vero modo, vt purē Campsoria est, & vt adinuenta & vsitata
solum (quantū ex ipso Campsore est) ad priuatū & propriū
ipsius Campsoris cōmōdum ac lucrum. & hoc modo repres-
hensibilis est, ac improbanda. Hoc enim modo à Philosopho Cap. 7.
primo Polit. tripliciter improbatur Primò quidem, rōne vten-
di sua materia, pecunia videlicet, in qua versatur: quia, s. vtitur
ipsa pecunia, non quo ad eius propriū & principalē, sed quo
ad eius cōm & secundarium vsum. Secundò vero rōne finis,
ad quem (vt sic) ab ipso Campsore ordinatur, quia videlicet
Campsor vtitur ea in primis & solū propriū lucri graua: quod

Quo Lugd.
Cābium celep
breiur.

Quid ars Cā
psoria.

.d. m. l. x

quidem lucrum, siue eius affectus, vt sic, sine caret: crescit enim amor nūmi, quātum ipsa pecunia crescit. Tercio autem, ratione vtriusq; quia hoc tali casu Campsor ipsas pecunias appetit propter se, quæ tamen (vt inferius patebit) non propter se quærendæ, habendæq; sunt.

¶ Ex hac autem distinctione, tractatum hūc in duas distinguo partes. In quarum prima dicam de illis Campsoribus, & de Cambiis vel contractibus eorū, qui ipsa arte Campsoria, vt pure Campsoria est, ac prima & sola sui proprii cōmodi & lucri intentione, turpiter & reprehensibiliter vtuntur. In secūda vero dicam de illis Campsoribus, & Cambiis eorum, qui ipsa arte Campsoria, vt decet, ad publicum in primis, saltē tacita intentione, & subinde ad condecens ipsorum Campsorum priuatum bonum, honeste & laudabiliter funguntur. Ex quibus duobus in arte Cāpsoria procedendi modis, clarissime cognoscetur, Quomodo Lugdunēse vel Bezenzonense Cambium, recte vel non recte ab ipsis Campsoribus celebrari possit. Et ita ad id, quod a Reuerēdo in Christo Domino Episcopo & Vicario nobis coram propositum & iniunctum fuit, cumulatius satisfiet.

*Prima praua
Campsorū ad
inuentio.*

1. Tim. 6.

¶ Quo igitur ad primam partem dico, quod ex primo in arte Campsoria modo procedendi in ipsorum Campsorū affectu nimia lucri cupiditas argui potest: ex qua sane nimia cupiditate, velut ex mala radice, varieg & prauæ lucri captandi adinventiones in eorum intellectu quā facillime suboriuntur: radix enim omnium malorū est cupiditas, vt ait Apostolus. Quæ sane prauæ adinventiones, vt idem ibidē ait, mergunt homines in interitum & perditionem. Quarum vna est illorum Campsorum, qui toto affectu, & tota mentis intentione, suos thesaurizant thesauros in terra, cor suum in huiusmodi thesauris in primis collocantes, suas dando pecunias ad Cambiū pro Lugduno aut Bezenzono, quantum est ex se, solum causa proprii lucri acquirendi: suis literis ordinantes, vt deinde eodem pecuniæ circulatione quadam Genuam remittantur, & sic successiue, nullam aliam mercaturam præter ipsa Cambia exercentes. Et ratio est, quia isti tales Campsores, vt sic, quantum est ex se, pecuniis, non vt instrumento, sicut deceret, economicè & politice

itice artis, sed solum nimio affectu lucri acquirendi, quod si
ne caret, vtuntur. Non tamen ex hoc damnare intendimus
absolute, omnes quoscunq; illos campsores, qui, vt ita dixeris
mus, circulariter Cambia celebrant: quoniam illi, qui cesa
sante omni fraude & prauo affectu, cōfectis cambiis Genuæ
pro Lugduno, suas pecunias Genuam deinde remitti ordi
nant, vt etiam, si libuerit, deinde pro Lugduno cambia con
trahant; ex hoc præcise non sunt condemnandi: laudabilius
tamen se gererent, si peractis & completis primis, aut saltem
secūdis cambiis, illis pecuniis, aut saltem illarum pecuniarum
parte, victualia & merces ad vitam & vsum hominū necessa
ria, & ad publicum commodum opportuna compararent.
Tantummodo igitur in hac re damnādos esse credimus cam
psores illos, qui prauo lucri affectu, & nimia mentis sollicitu
dine, huiuscemodi cambia celebrant, dicente domino, nolite
thesaurizare thesauros vestros in terra. Quod sane ex huius
modi eorum longa & continua cambiorum circulatione co
nuicere possumus. Hinc Dominus Archie. flo. par. 2. tit. pri.
cap. 16. ait, quod in statu damnationis sunt homines illi, qui
in eorum negociationibus vltimum eorum finem in ipso lu
cro ponunt, intendendo videlicet diuitias augere, & eas sibi
referuare: & tanto magis peccarent, si huiusmodi eorum lu
cris rectum ciuitatis viuendi modum inuerterent, ea videlicet
in nimias filiarum dotes, in superbarū domium structuras, in
preciosissimam suppellectilem, in enormes pompas, nimium
faustū, illecebras delicias, in inhonestos luxus, flagitiosos lu
dos, & id genus exponendo, & ita aliis suis concuiibus ad hæc
& similia perpetranda occasionem dando.

Luc. 6.

¶ Secunda praua adinuentio, & abusus est, illorum campso
rum, qui ex anticipata suarum pecuniarū ad cambium datio
ne, pecunias Lugduni aut Bezenzoni sibi assignandas, mino
ri precio emunt, q̄ si congruo tēpore dandi pro nundinis illis
eas darent. Hi enim omnes, iniusti, & vsurarii sunt censendi.
Iniusti quidē, quia rem emunt minori precio q̄ valeat: quod
sane est contra iustitiam cōmutatiuā, ad quam attinet emptio
nis & venditionis cōtractus. Amplius secundū Philosophum
primo Pol. & s. Ethicorum, emptio & venditio fieri debet ad

Cap. 6.

Cap. 7.

beneficium vtriusq; emptoris videlicet, & venditoris. Itaq; in
ea, inter precium, & rem venalem æqualitas seruanda est. Quæ
sanæ duo, vt prædictum est, in hoc nõ seruantur contractu.
quare &c. Amplius, hoc idẽ sic astrui potest. Precia enim re-
rum non ex affectu singulorum, sed communiter æstimantur
ff. ad. l. falci. l. precia. oportet igitur venalem illam pecuniam,
non affectu camporis, aut capientis ad cambium, sed bonorũ
& peritorum virorum arbitrio cõmuniter æstimari. Facit ad
hoc. 10. q. 2. §. hoc ius porrectum. iuncta glo. vbi decernitur,
quod precium sit æquale rei venali, que quidem, vt ex præ-
missis clare deduci potest, in hoc non seruantur cõtractu; ergo
iniusti. Vsurarii vero sunt, non quo ad formam cõtractus,
cum sit cõtractus emptitiuus; sed quo ad intentionẽ deprauatam
tam ipsius emptoris, argumento per locum à contrario. cap.
nauiganti, casu. 2. titulo de vsuris: quia, vt ibi recte inquit
Abbas, perinde ius fingit, ac si illam pecuniam mutuaret illi
venditori, vt inde recipiat lucrum illud, quod est vltra veram
rei æstimationem. quare &c. Hoc idem dicendum est de illis,
qui causa maioris lucri ante congruum tempus suas dant pe-
cunias ad cambium pro nundinis Messanæ, aut alibi celebran-
dis. Hoc etiã idem dicendum est de illis, qui tempore dandi
ad cambium pro nundinis apparitionis, non dant pro nun-
dinis illis, Sed pro nundinis paschatis sequentibus. Et multo
magis iniusti & vsurarii censendi sunt illi, qui eodem tempo-
re suas pecunias dant ad cambium pro duabus vel tribus nun-
dinis simul. Hoc idem etiã dicendum est de illis, qui in Hi-
spaniis nomine cambii suas dant pecunias pro 3. & 4. termi-
nis, ad rationem supra sortem trium vel quatuor pro singulo
centenario. Hoc idem rationibus iam dictis dici posset de illis,
qui initio contractus cum venditore pecuniarum paciscuntur
& conueniunt: quod si adueniente solutionis termino, nõ so-
luerit, singulis postea annis supra sortẽ soluat decem vel duos
decim pro singulo centenario vsq; ad completam totius pe-
cuniæ solutionem: præsertim secundum Sco. 4. sen. dist. 15.
Si valent hac via q̃ alia lucrari: & secundum aliquos alios, si
credunt debitorem, adueniente solutionis termino, non solu-
turi, facit 12. q. 2. cap. fraternitas & de arb. cap. Dilecti in glo.

Tertia

Tertia praua adinuentio, est illorum campforum, qui adueniente termino solutionis cambiorū pro præcedentibus nundinis, capto lucro inde tunc iam proueniente, spe alterius lucrari, acquirendi, solutionem suarum pecuniarum sibi tunc faciendam nomine cambii vsq; ad sequentes prorogant nundinas, pacto, qd sibi detur id, quod vera cambia p eo loco alibi celebrata tunc parient. Hic enim re vera nō ē cōtractus cambii, sed est contractus mutui nomine cambii paliatu, cum eodem in loco dentur & reddantur pecuniæ eiusdem generis, et inde aliquid lucri in primis speretur: quod sane est cōtra Dei præceptum, Luc. 6. dicē. mutuū date nihil inde sperantes. Luc. 6.
Hoc idem etiā satis clare constat, cap. consuluit & cap. nauiganti, rub. de vsuris. & 14. q. 3. c. si sceneraueris, & per totum. quare &c.

¶ Quarta praua adinuentio, est illorum campforum siue numulariorum, qui aut monopolio, aut colusione, aut quouis alio dolo, aut fraude, arte, vel exq̃lito ingenio, iusta cambioꝝ runt præcia, quouis modo augent vel imminuunt. Hi enim in huiusmodi cambiis iustitiæ cōmutatiuæ æqualitatē nō seruāt, immo eam fraudulentē inuertunt, quo fit vt rationibus superius adductis hi male agant, & in foro anime (secundum omnes Doctores tam Theologos quā Canonistas) lucrum inde perceptum efficaciter restituere teneantur. Hoc idem dicendum videtur etiā de illis campforibus, qui sine quouis eorum dolo, fraude, arte, vel ingenio, præcia cambiorum pro Lugduno, quæ ipsi faciunt, nō imminuunt: probabiliter tamen credunt huiusmodi præcia imminuta fuisse Monopolio, fraude, vel dolo aliorum, vel illorum qui præfata cambia pro Lugduno ita dolose cōtraxerunt, vel illorū qui multas & magnas pecuniarum summas magnis dominis accomodant pacto, vt inde singulis annis lucentur viginti quinque vel triginta supra sortem pro singulo centenari: ob quod, sicut his nostris cupidissimis temporibus satis liquet, sequitur pecuniarum restrictio, siue penuria: & inde dantes ad cambium pro Lugduno, pro singulo scuto de marcha minus dant, q̃ daret, si præfata excessiua lucra ab eisde magnis dominis quauis arte vel ingenio extorta non fierent. Ex quo enim ex nimia alioꝝ

runi mercatorum cupiditate iusta precia cambiorū pro Lugduno imminuūtur, & ita inde Campsor aliquid plus lucratur, q̄ si hæc aliorum nimia cupiditas non intercessisset, illud plus lucri, velut ex mala radice & arbore procedens, iniustum videtur: non enim, vt ait Dominus, potest arbor mala bonos fructus facere. quo fit vt illud sit restitutioni obnoxium, sicut & per argumentum à simili sic astrui potest, Si enim alicuius aut aliquorum vi, dolo, aut fraude, vel quouis alio ingenio, iustum frumenti precium imminueretur, alii eo sic imminuto precio ipsum frumentum ementes, non iuste emerent, cū precium (vt superius probatum ē) rei venali æquale esse debeat: iccirco hoc tali precio sic emētes, si hoc eis cōstaret, aut probabiliter crederent, in foro animæ ad supplēdum vsq; ad iustum & æquale precium tenerentur. Quare hoc idem, & ab his qui minori precio in cambiis pecunias emerunt, faciendū est. Verum quia quantum in huiusmodi cambiis de iusto eorum precio sit imminutum & ademptum fuerit, forte multum difficile foret iudicare, forte arbitrio boni viri posset illud pauperibus & miserabilibus personis dispensari.

5. ¶ Quinta praua adinuentio est illorum campsorū siue mercatorum, qui adueniente pro cambiis iam confectis solutionis termino, in taxandis aliorum cambiorum remittēdorum, puta pro Genua, precii, Lugduni aut Bezenzoni quouis modo Monopolium faciunt, aut quouis alio ingenio, vel quæsto colore ipsas venales pecunias iniuste appreciant, & earum precia iniuste taxant. Huiusmodi .n. homines, vt clare liquet, iniuste agunt, & sic alios damnificantes, aut in huiusmodi iniusto lucro scienter participantes, arbitrio bonorum & peritorum, de damno iniuste dato, damnificatis tenentur.

6. ¶ Sexta praua adinuentio est illorum numulariorū, qui principali spe lucri, aut pacto huiusmodi lucri sic sperati, quod videlicet vera cambia p̄Lugduno aut Bezenzono pariēt, suas aliis dant pecunias, nō cōfectis cambiorū literis: & si cōfectis, non tamen missis vel admissis. Huiusmodi enim contractus, vt omnes Doctores fatentur, & ex se satis clare constat, nō vera cambia, sed falsa, & ficta, ac simulata sunt. Eodem enim in loco dantur & recipiuntur eiusdem generis pecuniæ: quo fit vt

re vera

re vera mutua sint, nomine tamen cambii palia, & sub falso cambii nomine principali spe, immo pacto lucri sic sperati celebrata: quo fit vt rationibus & allegatiōibus iam superius adductis, huiusmodi numularii iniusti & vsurarii sint, & ad restitutionē lucri taliter inde percepti efficaciter teneantur. Hoc idem dicendum est de illis, qui suas dant pecunias artificibus siue nauigantibus, aut mercatoribus, eas in eorū artificii aut mercimōiis expositis, pacto tamen aut spe principali, quod, saluo capitali, id quod vera cambia pro Lugduno aut Bezengono eundo & redeundo parient, sibi consignetur, malentes isti tales hac via q̄ alia verorum cambiorum lucrari. Hi enim omnes vsurarii sunt, vt patet cap. consuluit, rub. de vsuris. Et si capitalis periculum in se susciperent, cap. nauiganti, eo ti. Hoc idem dicendum est de illis, quicunq; illi fuerint, siue viri, siue mulieres, qui suas dant pecunias numulariis, eis dicentes, vt eas in cambiis pro Lugduno recte exerceant, quos tamen sciunt, aut probabiliter credunt, eas nō in huiusmodi cambiis, sed in aliis eorum negociis, & forte non iustis exposuros: & pacto, quod quicquid lucri ex veris cambiis pro Lugduno ab aliis cum effectu celebratis processerit, sibi supra sortem reddatur. Et multo magis vsurarii censendi sunt, si cū numulariis paciscuntur, aut schedulas sibi fieri faciunt, quod saluo capita, singulis annis sibi supra sortem reddantur sex vel septem pro singulo centenatio. Hoc idem dicendum est de illis, qui suas aliis dant pecunias nomine depositi, aut (vt dicitur) cōtri firmi, aut partiti, aut cōmodi, aut virtute cuiusdā proclamatōis nomine cuiusdam domini aliā publice promulgati, aut titulo pignoratitio, aut quouis alio ficto, adinuento, excogitato, aut exquisito nomine vel colore, pacto expresso, vel saltem intentione principali habendi aliquid supra sortem eodem in loco, singulis nundinis pro singulo centenatio. Hi enim omnes & singuli, rationibus prædictis, animarum suarū saluti male consulunt, & re vera vsurarii sunt: plus enim valere debet quod agitur, quā quod simulate concipitur. C. plus valere debet qđ agitur, p̄ totū. Proinde q̄qđ ex eorū huiusmodi veris mutuis, variis, fictis, ac simulatis nominibus palia, sic extorserint, in foro animę efficaciter restituere tenentur.

7. ¶ Septima praua adinuentio est illorum campforum, qui etiā cōgruo tempore, suas aliis dant pecunias ad cambiū pro Lugduno aut Bezenzono, minus tamen dant pro singulo scuto de marcha Lugduni consignando, q̄ tunc in communi foro arbitrio bonorū dari contingat. Hoc autem quandoq; proccedit ex magna necessitate ad cambium capientium, qui nō inuenientes campfores ad cambium sibi dantes congruo & currenti precio, necessitate coacti vt suis rebus prouideant, ad cambium capiunt eo modo quo possunt. Quo sane rationibus superius adductis sequitur, vt huiusmodi Campfores cū proximo suo iniuste agant, & iniustū huiusmodi lucri excessum inde perceptū, in foro anime efficaciter restituere teneantur.

1. Thes. c. 4.

tur. Ait enim Apostolus, Hęc est enim voluntas Dei, ne quis supergrediatur, neq; circumueniat in negotio fratrem suum, quoniam vindex est dominus de omnibus his. Quodd & si auctoritas hęc de circumuentione in adulterio facta cōtra proximum dicta sit, potest tamen communiter ad omnem quamcūq; circumuentionem factam contra proximū ē extendi. Hoc idem dicendum est de numulariis illis, qui suas dant pecunias magnis dominis, vel agentibus p̄ eis, pacto, quodd transactis sex vel octo mensibus, alibi supra sortē sibi dentur quintodecim vel circiter pro singulo centenariō: & si adueniente solutionis termino, huiuscemodi pecunię sibi non soluerentur, ab eo tempore vltra vsq; ad completam solutionem singulis annis sibi dentur decem vel duodecim supra sortem pro singulo centenariō pecunię soluendę. In hoc enim contractu, quo ad eius primam partem, capiens ad cambium nimis grauiatur, nec inter præcium & rem venalem seruatur æqualitas iustitię commutatiuę, vt satis clare patet. Nec huiusmodi contractus fit, vt fieri deberet, pro cōmuni emptoris videlicet & vēditoris utilitate, & ita iniustus: quo fit vt huiusmodi numularii in foro animę ad iniustum huiusmodi lucri excessum restituendum efficaciter teneantur, sicut & in quodā nostro alio tractatulo super hac re diffusus diximus. Est etiā, quo ad hanc primam partem, tacite vsurarius, vt facile deduci potest ex. c. in ciuitate, & c. nauiganti, rub. de vsuris. quia videlicet campforatiōe anticipare solutionis quę in se mutuū implicite continet

continet, minori emit precio pecunias sibi alibi post sex vel
 octo menses assignandas: centum enim scuti existēti Genuæ,
 longe minus valent, q̄ centum quindecim Neapoli, aut Ro-
 mæ, aut Florentiæ modo, vt ait Panhor. super cap. nauiganti,
 titulo de vsuris. Licet in hoc contractu, quo ad formam con-
 tractus, non sit vsura, est tamen in eo quo ad intētionem des-
 prauatam emptoris: quia ius fingit, perinde ac si emptor prius
 emeret rem siue pecuniā sibi assignandam iusto precio, deinde
 de precium illud siue pecuniam illam mutuaret illi venditori
 vsq; ad tempus consignationis rei empte, & occasione huius
 mutui recipiat illud lucrum, quod est vltra veram c̄stimatione
 nem rei venditæ, quod est vsura. Et si dicatur, quod tali do-
 mino sic placet accipere pecunias ad cambium cū tali ac tāto
 suo interesse, quoniam (vt ab ipsis campforibus dicitur) ipse
 dominus, siue agētes pro eo, quādoq; dicūt, vel dicit se spon-
 te & libere donare ipsis campforibus, si qd ab eo supra equita-
 tem & iustitiam recipiunt. Ad quod sane dicendum est, quod
 huiuscemodi fictæ & fuccatæ simulationes, siue paliationes, in
 foro cōscientiæ & coram Christi tribunali nihil proderunt;
 quia vltra peccatum, in quod ipsi campfores sic emendo vel
 mutuando ipso facto incurrunt; in foro conscientiæ ad iniur-
 stum huiusmodi lucri excessum restituendū efficaciter tenen-
 tur, quoniam vt quilibet nō infectus cupiditate, facile cognos-
 cere potest, ipse dominus neq; sponte neque libere, sed ne-
 cessario & coacte, quatenus videlicet inueniat sibi ad cambium
 dantes siue mutuantes pecunias, huiusmodi donationes dicit
 se libere facere: si enim non præsumitur neminem velle do-
 nari suum, quanto minus præsumendum est hoc sponte & li-
 bere fieri à dominis vndiq; pecuniis summo opere exhaustis, &
 qui ferē omnes suos redditus & regalia iura habent iam obli-
 gata campforibus, & qui ob eorum maxima & ferē continua
 bella, variis atq; inexcogitatis in dies adinventionibus q̄ plu-
 rimis ac intollerabilibus in suos subditos (quos plus q̄ cam-
 pfores diligere tenentur) grauaminibus ad extorquendas pec-
 unias coguntur inuenire. Si enim nemo in necessitatibus cō-
 stitutus liberalis existit l. rem legatā. ff. de adimen. lega. & glo.
 in versic. liberaliter in .c. relatum. rub. de preben. quanto mi-
 nus

1. ratio.

2.

mus liberalis existit ille dominus, qui in tot & tam maximis necessitatibus constitutus est, præsertim in donatione, vel relaxatione tam ingentis pecuniarum summæ, ad quam ascendunt eius damna, ob huiusmodi & sibi similibus cambiorum vel contractuum multitudinem ac magnitudinem, præsertim erga mercatores, & forte quosdam quos ipse nunquam nouit neque noscet, quare non libere neque sponte, sed necessario & coacte dicit se libere donare, quatenus videlicet inuenire possit campsores qui ei mutuent aut dent pecunias, quibus pecuniis ipse, aut alios inuadere, aut saltem terras suas ab hostibus tueri possit. Quod etiam satis clare cognosci potest ex hoc quod ipse vel agentes pro eo, initio contractus, quantum sciunt & possunt, subtiliant ac imminuunt de precio cambiorum, & aliorum contractuum cum campsores ipsis, reducendo videlicet cambia & alios contractus ad illud minus interesse, quo possunt. Præterea donatio liberaliter facta non fit ipsorum contrahentium conuentione & pacto, neque præcise secundum ratam alicuius obsequij facti, neque semper fit tali vel tali præfixo tempore, sicut dicitur fieri in hoc contractu: sed fit ex donantis mera munificentia, & in ea quantitate vel summa, & eo tempore, quibus ipsi donanti placet. quibus omnibus, satis clare cognosci potest, donationem vel relaxationem illius excessus lucri, non libere & sponte ab ipso domino fieri: quare &c. Quo vero ad secundam huius contractus partem, dico ipsam esse usurariam: quia in rei veritate est contractus mutui, pacto habendi singulis annis supra sortem decem vel duodecim pro singulo centenarij, argumento .c. si fœneraueris 14. q. 3. & per totum &c. confusum luit. &c. nauigantium, rub. de usuris. Neque huiusmodi lucrum initio contractus potest in pactum deduci ratione lucri cessantis: quia tunc non est neque in actu neque quasi in actu, sed solum in potentia valde remota, & potest multipliciter impediri. Amplius huiusmodi pactum de lucro sic acquirendo, ut ex contractu patet, non fit ad tempus præfixum, puta sex mensium aut unius anni, sed ad semper, quousque videlicet pecunia soluenda soluta fuerit: quod nullus doctor concedit fieri posse. similiter nec ratione damni emergentis, tale incrementum initio contractus potest in pactum deduci, nisi tale damnum emer-

gens

gens ex defectu solutionis, termino sex vel octo mensium, faciendi, sit initio contractus adeo clarum & firmum, quod nullo quo vis modo iuste euitari possit: & tunc dicendum esset, quod ex quo aut culpa aut defectu debitoris campfor tale damnum incurrerit, pramonito in primis ipso debitore aut eius agente, tale damnum, & non plus, posset in pactum deducere. & sic tale incrementum supra sortem, ratione huius damni emergentis, recte accipere & exigere: quoniam hoc modo campfor ex mutuo lucrum non acquireret, sed tantummodo se indemnem seruaret. quod secundum omnes, licet. in cap. primo & c. conuestus, eo. tit. alias secus. rationibus etiam superius dictis. In iusti & usurarii sunt ementes iura vel donatiua dominorum sibi etiam alibi assignanda, siue actiones aliorum quorumcumque creditorum, si principali spe lucri ea emunt minori precio, quam deductis periculis, laboribus & expensis arbitrio bonorum & peritorum virorum valeant.

¶ Octaua praua adinuentio est illorum numulariorum: qui cum aliis contrahentes, dicunt eis se illis suas pecunias dare ad cambium pro Lugduno: huiusmodi tamen loci nomen de communis consensu alicui alii propinquiore loco ficto imponunt, Lugdunum v; ipsi eum nominantes, adueniente deinde tempore solutionis in vera Lugdunensi ciuitate faciende, sic contrahentes ad huiusmodi propinquiorem locum eodem ficto nomine sic ab eis nominatum se conferunt, & ibidem debitores suis creditoribus pecunias siue valorem scutorum de marcha eo modo soluunt, quo in vero Lugduno soluendum esset. Huiusmodi enim numularii re vera usurarii sunt, cum in hoc eorum contractu re ipsa sit vere mutuum spe principali lucri factum. C. plus valere debet quod agitur, per totum. & ita ad lucrum inde perceptum mutuatariis efficaciter obnoxii.

¶ Nona praua adinuentio est illorum clericorum, & multo magis religiosorum, paupertatem, siue communem vitam profitentium, qui eorum propria industria & opera etiam realia & suapte natura iusta cambia exercent; tales enim cum diuino cultui & sacrosancti altaris mancipati ministerio sint, speciali modo cauere debent ne dum a malo, verum etiam secundum Apostolum speciali modo & ab omni eo quod habet speciem mali:

1. Thes. 5.

mali: quapropter ab ipsa negotiatione abstinere tenentur, cū ipsa negotiatio suapte natura hominis mētem secularibus cupris nimis implicet, lucri cupiditatem excitet, atq; ad labiorum peccata prouocet: à quibus omnibus, & ratione diuini cultus cui mancipati sunt, & ratione ædificationis proximi, ad quam ob eorum gradum præcipue tenentur, Clerici & religiosi penitus immunes esse debent. vnde Apostolus secundę ad Tim. secundo, nemo militans Deo implicat se negociis secularibus. & extra. ne cle. vel mona. per totum, ne dum negotiatio pecuniaria, quę inter ceteras negotiatiōes lucri cupiditatem hominum mentibus præcipue excitare videtur, verum etiā & q̄ plura alia negocia & occupationes in rebus secularibus Clericis & Monachis stricte interdiciūtur. Diuus etiam pater Augustinus libro quęstionū veteris & noui testamenti, & adducitur Di. 88. c. fornicari. sic ait, antequam enim ecclesiasticus quis sit, licet ei negociari, facto tam, non licet. Dictum etiam Diui Hieronymi ibidem sic adducitur, di. negociatorem clericum, quasi quandam pestem fuge. Verumtamen si clerici seculares tantum, non autem religiosi, illi videlicet qui solenni voto paupertatem & communem professi sunt vitam, nō per se ipsos in propria persona, sed tantummodo per seculares & interpositas personas, non causa proprii lucri acquirendi, sed pro opportuna & pia pauperum sibi propinquorum aut etiā miserabilium personarum subuentione, & sine quouis proximi scandalo, iusta cambia, atq; etiam aliqua alia iusta negociarentur negocia, forte non peccarent: immo potius laudabile & pium opus forsitam laudabiliter agerent, cum etiam & sanctos aliquos viros, ac etiā prælatos cōsimilia negocia sic exercuerint, vt eodem tit. cap. primo tangitur.

- 10 ¶ Decima praua adinuentio est illorum campforum, qui suas aliis dant pecunias ad cambiū pro Lugduno, quos tamen sciūt vel probabiliter credūt scutos illos de marchā pro quibus præfatas pecunias dederunt, non posse Lugduni soluere vel contra signare. Huiusmodi enim cōtractus, si cessante omni alia quauis fraude celebretur, licet in se iustus sit, iniuste tamen cum paupere & non valente soluere contrahitur: & præfati cambiadores ysurarii sunt, vel in fraudem ysurarum faciunt, ysuram
sue

ſue lucrum inde à pauperibus accipientes, & lucrum illud in
de à paupere acceptū, illi pauperi omnino reſtituere tenen-
tur, cum ſine cauſa illud acceperint, ex eo videlicet quod non
eſt. ff. de cond. ſine cauſa. Si verò campſor credens ipſum ac-
cipientem ad cambium poſſe ſibi Lugduni ſoluere acceptam
pecuniam, & etiam lucrum inde prouenturū, bona fide ei pe-
cunias ſuas credidit: quādiu huiusmodi eius bona fides du-
rat, nō eſt uſurarius cenſendus, nec lucrum inde perceptum
reſtituere tenetur: ſed adueniente mala fide, lucrum illud illi
pauperi reſtituere debet, cum in extrema neceſſitate pauperi-
bus teneamur etiam dare de noſtro. Si verò campſor eſſet in
probabili dubio, utrū ſcilicet pauper ille poſſet ſibi pecunias
illas Lugduni ſoluere vel ne? non debet ſe diſcrimini exponere.
cap. iuuenis. de ſpons. ſed aut de hoc prius certificetur, aut
ceſſet à contrahē.

¶ Undecima praua affectio & adinuentio eſt illorū numula-
riorum, qui ſuas ad cambiū dant pecunias alicui, quem ſciunt
aut probabiliter credunt eſſe prodigum, & huiusmodi pecu-
niis in ludis, luxu, illecebris deliciis, laſciuiis, enormibus pom-
pis, comelationibus, ebrietatibus, & huiusmodi malis operi-
bus abuſurū. Hi enim numularii ſic ſuas dantes pecunias male
agunt, quia ſecundum Apoſtolū nō ſolum digni ſunt morte
qui tali agunt opera, ſed etiam qui conſentiunt facientibus. Cū
autem ſuas dantes pecunias hominibus ſic prodigis non ſolū
conſentiant, verum etiam magnam eis occaſionem offerāt eas
dilapidandi & prodigēdi in malos uſus, inde aliquid lucri per-
cipere non debent. Hoc idem dicendum eſſet, ſi quiſpiam ad
cambium ſuas daret pecunias furioſo vel infano, cum furioſis
& inſanis de rebus etiam eorum propriis adminiſtratio quā
ſcpius interdicatur. Hoc idem dicendum eſſet, ſi huiusmodi
campſores ſuas ad cambiū pro Lugduno darent pecunias illis
quos ſcirent vel probabiliter crederent; illas deinde ad extor-
quendas ab aliis, puta magnis dominis, magnas uſuras, ſeu in-
iuſta lucra, puta viginti aut viginti quinque ſupra fortem ſingu-
lo anno pro ſingulo centenatio, expoſituros, cum enim, ius
bente domino, teneamur proximum noſtrum, ſicut nos ipſos
diligere, ac de proximo noſtro curam habere, non recte, ſed

Rom. 1.

Matt. 22.

male agerent hi qui modum & cōmoditatem fēnerādi ac māle agendi in magnum sui proximi damnum, & eternam animi damnationē scienter subministrarent, imo potius sicut in hoc .§. dictum est, nō lucro, sed aeterno damno digni essent, cum proximo suo mortifera perpetrandi opera fomitem suggere-
rēt. Omitto si q̄s campfor suas ad cambiū daret pecunias filiis
familias, mulieribus, seruis, &c. cū hoc q̄ rarissime cōtingat.

12. ¶ Duodecima praua adinuentio est illorum numulariorū, qui
suas ad cambium vel quo vis alio titulo aut ficto nomine, dant
pecunias dominis & principibus, quos sciunt, aut probabiliter
credunt in iniustis, ne dicam impiissimis truculentissimisque
bellis, aduersus Christi fideles, eos opprimendo. depopulando,
deuastando, occidendo, eas exposituros. Hi enim numu-
larii sic suas dantes pecunias, quā grauissime peccant, cum
eorum pecuniis sic ad Cambium datis, sint occasio innu-
merabilium & grauissimorum malorum. quo sane fit, vt
inde ne dum lucrum percipere non possint, verū etiam & ad
arbitrium boni viri, ad omnium quorumcūq; malorū, dam-
norum, depopulationū, deuastationū, mortiumq; inde pro-
cedentiū satisfactionem in foro animę sint efficaciter inducen-
di. Taceo, modestiæ causa, quid dicendum esset de numula-
riis illis, qui suas ad cambium, aut quo vis alio titulo, darent
pecunias principibus temporalibus, quicūq; fuerint illi, quos
probabiliter crederent huiusmodi pecuniis in iniustis aduersus
Christi fideles bellis, aduocatis secum ad id etiam infidelium
armis, non sine maximo Christianæ Reipublicę damno, &
euerfione, atq; Christiani nominis dedecore, clam vel palam

Hier. 17. quouis modo vsuros, vel potius abusuros. ¶ Quāuis enim
hominis cor vndiq; prauū sit & inscrutabile, variosq; & innu-
merabiles in se reconditos habeat recessus, ex his tamen quæ
hactenus super hoc cambiorum negotio scripta sunt, quantū
ego perspicere potui, satis luculenter apparet, quot & quibus
hominū prauis affectionibus & adinventionibus Lugdunensē
se aut Bezenzonensē cambiū deprauari possit. Quod si forte
his nostris rappacissimis temporibus aliquę aliæ prauę adin-
uentiones adinuentę sint, aut, quod absit, crescente hominum
malitia, in posterum adinueniātur illæ sane aut ad aliquā ista-
rum,

rum, quæ iam enarratæ sunt, reducibiles erunt: aut p ea quæ iam dicta sunt, & hic inferius dicentur, illarum adinventionū fraudulentę fallaciæ facile dignosci dissoluiq; poterunt: quas sane fallaces & fraudulentos hominū adinventiones supernus dominus diuina sua pietate ab eorū cordibus penitus auferre dignetur, ne (quod absit) ob nimiam ipsorum hominum cupiditatem, ipse dominus eos a facie sua proiciat, atq; de eis succut de illis insatiabilibus Iudæis dicat, Dimisi eos secundū desideria cordis eorum: ibunt in adinventionibus suis. Atq; superbinde, vt per suum Prophetam dixit, q̄ iustissime det eis iuxta fructum adinventionum suarum. Omitto temporales p̄nas, quibus manifeste vsurariū ipso iure plectendi sunt. Omitto qd dicendum sit de illis, qui aliorum nomine dant aut accipiunt ad vsuram. Omitto horum faxneraticiorum cōtractuum mediatores siue prosonetas, & notarios quoscūq; qui eorundem contractuum publica cōficiunt instrumenta, atq; huiusmodi contractuum siue eorundem instrumentorū testes, eosq; etiā qui vsurariū schedulas subscribunt, aut ipsis vsurariis atq; vsurarum prauitatibus cōsiliū, auxilium, vel fauorem quouis modo prestare nō verentur. Omitto similiter eos, qui comedendo, vestiēdo, imburfando, vel quouis alio modo accipiendo de vsuris, scienter vel probabili opinione participant.

Hæc enim & similia, quantum ad præsens spectat, ad propositum quæsitum non necessario requiruntur. Hæc itaq; quo ad primam huius tractatus partem, dicta sufficiant.

Psal. 80.

Hiere. 17

S E C V N D A P A R S

Cap. primum, quòd ars campforia recte ordinata, honesta
& laudabilis, ac digna sit præmio.

E Narrata & discussa natura & qualitate artis campforiæ, ut
mere solum inuenta & vsitata ad ipsius campforis priuatū
commodum & lucrum, ac etiam enumeratis & explanatis ip
forum campforum ea sic vtentium prauis adinuentionibus, cō
sequens est, ut in hac secunda huius Tractatuli parte, de ipsa
arte campforia, quatenus æconomicæ & politicæ deferuit, ac
de recto ipforum campforum ea sic vtentiū vsu dicamus. Di
co igitur primò quòd ars campforia ut æconomicæ & politi
cæ deferuit, siue ut ad publicum in primis, & subinde ad con
decēs ipforum campforum priuatū bonum, saltem tacita in
tentione, ordinatur, est honesta & laudabilis, ac digna præ
mio. Hæc propositio sic declaratur. Primò, quia ars campfo
ria hoc modo sumpta, est expers illarum conditionum, quib
us à Philosopho improbatur. ergo &c. Neq; enim ipsa ars
campforia ex hoc solo, quòd vtatur pecunia quo ad eius vsum
secundarium, videlicet venditionem, ex parte capientium ad
cambium, reprehensibilis esse debet: cū & calcearius, & bir
rectarius, & quicunq; alii artifices, bono publico & priuato
recte deferuientes, non sint reprehensibiles, imo sint laudabi
les, & eorum artificiiis digni competenti lucro, quum eorū ar
tificialia aliis vendunt; & tamen, ut patet tunc, ut sic, suis arti
ficialibus, non quo ad eorum primum, sed secundarium
vsum vtuntur: & hoc quia huiusmodi artes sic vendendo eor
um artificialia ad publicum in primis, & subinde ad conde
cens ipsius artificis priuatum bonum recte ordinantur: quas
propter & ipse campfor, cum recte dando suas pecunias ad
cambium, bono publico & priuato recte deferuiat, honeste
laudandus, & competenti suæ industriæ præmio dignus hab
bendus est. Secus autem, si ipse ipsa arte, ut pure campforia est,
& ut adinuenta & vsitata solum, quātum ex ipso campfore est,
ad priuatum & proprium ipsius campforis commodum vte
retur. Hoc enim modo ipsa ars campforia habet illas tres cō
ditiones

ditiones simul quibus, vt sic, ab ipso philosopho reprehēditur: quare &c. Secūdo principaliter sic, Ipsa ars campforia hoc modo sumpta, vt ex propositionis propositæ terminis patet, ad honestum & laudabilem finem recte ordinatur: & quoniā à suo fine omnia denominari debent, consequens est, vt ipsa honesta & laudabilis ac digna sit præmio. Hoc idem in cambiō reali tantum, quod, vt superius declaratum est, etiam cambiū biura ad minutum vocatur, clarius constat: in eo enim, cessante omni fraude, campfor secundum omnes doct. iuste & laudabiliter pro sua industria, labore, & interesse, aliquid moderate inde lucrari potest: & hoc quia bono publico & priuato recte deferuit. cum autem campfor qui per literas suas dat pecunias ad cambiū pro variis & multis terrarū locis vt sic, longe magis quā campfor ad minutū, bono publico vndiq; recte deferuiat, à fortiori laude & competenti præmio dignus habendus est. Accedit ad hoc, quia industriæ accedentis operi licito ratio habēda est, & aliquid mercedis dari debet. 1. si heres. ff. ad legem falcidiam. sic etiam & Apostolus ait, quis militat suis stipendiis vnquam? & dominus in euangelio, dignus est enim operarius mercede sua. Cū autem hæc campforū industria, in transmittendo videlicet suas pecunias ad multas & varias terrarum partes, sicut principibus, & economis, & mercatoribus clare cōstat, sit valde utilis, immo pro humanæ vitæ rebus necessariis comparandis, & ciuitatum commoditatibus prouidendis, multū necessaria, & ita ad licitū opus multū accedens, cōsequens est, vt & ipsi campfores huiuscemodi sue industriæ aliqd lucrī arbitrio boni viri recte cōsequi possint.

2. ratio.

3. ratio.

4. ratio.

1. cor. 9.

Luc. 10.

Cap. secundum. Quo tempore cambia realia per litteras recte celebrari possint.

Et quoniam omnibus in rebus modus & ordo seruandus est, notandū quod sicut mercatores de rebus ad vitam & cōmodū necessariis, regnis, prouinciis, ciuitatibus, locis, familiis, & priuatis personis, cōmuniter toto anno negociando prouident: ita congruum fuit, vt & ipsi campfores siue numularii, suarū pecuniarū cōmutationibus, huic bono publico & ipsis mercatoribus deferuientes, toto etiā anno, statutis tamen temporibus,

ribus, & æqua lance, suas pecunias ad cambium ipsis mercatoribus dare possint, quatenus ipsæ res ad publicum & priuatum cōmodū viles ac potius necessariae ab ipsis & quibuscūq; aliis vbiq; locorū commodè emi & vendi possint, cum ipsæ pecuniae, teste Philosopho, primo & secundo Pol. & s. Eth. ad hæc & similia comparāda inuentæ & designatæ sint. Hinc factum est, quod singulus quisq; annus, iuxta quatuor naturas anni tēpora, in quatuor distinctus fuerit nūdinās, in nundinas videlicet apparitionis, paschatis, augusti, & omniū sanctorum. In quibus sane nundinis, statuto tamen & præfixo tempore, post q̄ videlicet clausæ & missæ fuerint literæ cambiorum præcedentium nundinarum, & anteq̄ claudantur literæ cambiorum nundinarum sequētium, cuiuslibet (vt decet) liceat dare, & accipere pecunias ad cambium, p̄ nundinis videlicet illis duntaxat tunc immediate sequentibus.

Cap. tertium, Quod nundinæ & cambia in iudicio & extra, rata & firma sunt.

Huiusmodi autem statutum siue cōsuetudo de huiusmodi nundinis, & omnibus aliis quibuscūq;, quæ in eis recte gerenda sunt, vt rata & firma, sicut decet, in iudicio, & extra, apud omnes quoscūq; vbiq; locorū habeantur, omiſſis breuitatis gratia multis & variis legum allegationibus, aliquo bono fine, nō affectu & arbitrio singulorū, sed cōmuni omnium (vt decet) consensu, accedente ad id etiā Principis autoritate, non per errorem, sed ex certa scientia, ac diuturnitate temporis institutuenda, ordinanda, cōprobādāq; esse oportuit. Et hoc modo huiusmodi consuetudo vim legis habet, cum ipsa cōsuetudo, de qua modo nobis ē sermo, sit ius quoddā moribus institutum, quod pro lege suscipitur. di prima cap. consuetudo. Cum autem omnia hæc & singula in hac huiusmodi nundinarum institutione, ac distinctione, ac in rebus omnibus & singulis, in eis ad id peragendis, vt in hac arte campſoria peritis constat, clare reperiantur; clare sequitur, vt huiusmodi institutio siue consuetudo, ac omnia alia & singula, quæ, cessante omni quauis fraude, & quouis dolo in huiusmodi nūdinis sic institutis & ordinatis, peraguntur in iudicio & extra iudiciū, apud

apud omnes quoscūq; vbiq; locorū rata & firma sint habēda.

Cap. quartum, Quodd Lugdunen. siue Bezenzonen.
cambia, vera & realia cambia per literas di-
cenda sint.

Hæc ætem cambia, puta hic Genuæ celebrata pro Lugdu-
no, aut Bezenzono, cessantibus omnibus superius dictis frau-
dibus, celebrata, vera & realia cambia per literas dicenda sunt.
Hoc autē sic ostenditur. Primo quidē, quoniam diffinitio veri
cambii realis per literas sibi competit, ergo &c. consequentia
nota, & antecedēs probatur sic, Diffinitio enim veri cambii
realis per literas, secundū oēs Doctores qui de hac re loquun-
tur, est cōmutatio vnus generis in aliud genus numismatum,
& cōfectis & alio missis huius commutationis literis pro cōsu-
gnando illo alio numismatum genere. Hæc autē omnia & sin-
gula huiusmodi Lugdunen. aut Bezenzonen. cambio cōue-
niunt: hic enim Genuæ, vbi contractus celebratur, dantur
à campfore ipsi venditori pecuniæ, quæ cum sint præsentis,
vt sic, non subsunt periculis, neq; laboribus, neq; expensis.
Lugduni vero à capiente ad cambiū soluitur campfiori pecu-
niæ, quæ ratione distantie localis, vt sic, subsunt periculis, la-
boribus, & expēsis. quare, vt sic, à datis à campfore pecuniis,
saltem (vt ita dixerim) extrinsece, genere differūt. Differūt et
aliquo modo & intrinsece: quoniā hic Genuæ à campfore
pecuniæ vnus tantum generis, puta scutorū tantū in auro solu-
untur: Lugduni vero à capiente ad cambiū pecuniæ cōmu-
niter triū generū assignabuntur, scutorū videlicet aureorum,
monetarū argentearū, & parpagiolarū: quare & intrinsece ge-
nere differunt. Insuper de huiusmodi numismatū cōmutatio-
ne, vt ex iā dictis patere potest, libere sunt cōficiēdæ Genuæ,
& deinde Lugdunū mittendæ, vt huiusmodi numismatū cō-
mutatio suum (vt decet) sortiatur effectū. diffinitio ergo veri
cambii realis per literas, Lugdunensi siue Bezenzoni si cam-
bio competit, quare &c.

¶ Secundo hoc idem ostenditur sic. secundū enim Doct. qui
de hac re loquūtur, cū quis habens puta Genuæ pecuniā, dat
eā campfiori, vt suis literis faciat eam vel aliā eiusdē generis in-
trinsece Romæ, vel Neapoli sibi vel alteri consignari: verum

D

& reale

1. ratio.

2.

& reale cambiū per literas censetur. igitur à fortiori hoc idem erit cambiū Lugdunen. aut Bezen. hic Genuæ (vt dictū est) celebratū, cū & inter datā & receptā pecuniā, regnorū diuersitas, & numismatū maior varietas in eo reperiatur : quare & dicitur aut cambiū per literas, quæ in hoc cambiū genere requiruntur, quatenus (sicut dictum est) pecuniæ Lugduni cōsignandæ, efficaciter soluantur : ad differentiā cābiū minuti, in quo ; quā idē ē locus cōmutādarū pecuniarū. nō requirūtur literæ, sed tantummodo pecuniæ effectualis & iusta cōmutatio

Cap. quintum. Qualis contractus cambium Lugdunen. nuncupari possit.

Vt autem cognoscatur qualis cōtractus ex cōtractibus nominatis sit in huiusmodi Lugdunensi cambio, dicendū est quod loquēdo de cōtractibus nominatis, quos possemus imaginari esse in hoc cambio, nō potest esse cōtractus locationis operū ex parte campforis, quia campfor nō suscipit aliquā pecuniarum summā transuehendam, sed illā potius transuehit capiens ad cambiū, quoniā à campfore accipit pecuniās Genuæ, & eas deinde reddit Lugduni. Nec similiter potest esse contractus permutationis proprie, si pecunia reddēda (vt cōmuniter cōtingit) sit futura ; quia præsens ad futurū, sicut & certi ad incertū, non est permutatio proprie. C. de re. perm. l. i. & in glo. quæ allegat l. quoniam, eodem tit. vbi sic sentiunt Bar. & Bal. si tamen vtrq; pecunia, danda s. & recipienda siue reddenda, esset præsens tempore, posset fieri in ea permutatio, etiam si esset omnino eiusdem generis intrinsicce, puta omnes scuti aurei : immo etiam si esset eadem numero, quia quæ redderetur (vt diximus) esset affecta qualitate distantie localis, & ita, vt reduceretur ad locum, in quo à campfore prius data fuit, esset subiecta periculis, laboribus, & expensis, & sic esset aliquo modo alia. Verū quia raro est præsentia vtriusq; pecuniæ, raro est ibi permutatio : & si quādoq; ibi esset, de ipsa ius dicandū esset, sicut & de contractu, quem in hoc cambio esse demonstrabimus. Nec etiam est ibi contractus mutui ex parte capientis ad cambium : quia capiens ad cambiū nō dat primo, & por

& postea recipit, vt fit in mutuo: sed ecōtrario, quia primo recipit, & postea dat. Similiter etiā non est ibi proprie mutuū ex parte campforis, licet ipse campfor primo det, & postea recipiat. 1. ratio
 Primo quia in mutuo secunda acceptio fit post primā ratione tēporis, in quo accipiens mutuū indiget illo: hic autē proprie fit rōne distantiae locorū, in quibus datur & recipitur pecunia: datur enim puta hic Genuæ, & deinde recipitur Lugduni aut Bezenzoni, etiā si tempus inter prius datam, & deinde receptam pecuniā, sit aliquātulū maius, q̄ hæc distantia requirat: quia huiusmodi tempus ad arbitriū bonorū datur ad debitiā & cōuenientem cōmoditatem restituentiū siue mercatorū, quibus (vt diximus) ipsa ars campforia pro cōmuni bono in primis, & subinde (vt decet) priuato deferuit, ipsi autē mercatores cōmuniter nō possunt confectis cambii literis, statim equū conscendere, & Lugdunū proficisci, aut eō aliquem alium mittere, vel merces suas statim distrahere, vt pecunias inde acceptas campfori Lugduni respondeant. Secundo non est hic mutuū, quia in mutuo pecunia restituenda (per se loquendo) debet esse eiusdem generis cū pecunia mutuata, quia recipiens mutuū obligatur ad tantūdem in eodem genere: vt si mutuauit tibi ducatos aureos, teneris mihi restituere ducatos aureos: si monetam argenteā, monetam argēteam: si æream, æream. l. Paulus. ff. de sol. adeo quod si cōueniatur vt res data restituatur in alio genere, puta grossi pro ducatis, vel vinū pro tritico, non est proprie mutuū, sed cōtractus innominatus. l. ij. in princ. §. i. ff. si certū petatur. In hoc autē cambio Lugdunensi pecunia restituēda, vt cap. præcedēte diximus, duobus modis ē alterius gñis à pecunia data à campfore: quare &c. Tercio mutuans (per se loquendo) non subiacer alicui periculo in sorte mutuata, quia (vt dictum est) mutuarius tenetur mutanti ad tantūdem in eodem genere, quia est debitor generis: genus autem perire non potest. l. in ratione. §. verum. ff. ad l. falcidiā. Sed in Lugdunensi cambio Campfor subiacer periculo in sorte data: antequam enim pecunia reuertatur Genuā, vbi primo à campfore ad cambiū datae sunt, & si valde raro, quandoq; tamen, vt experientia textatur, cōtingit quod campfor dānum patiatur in sorte, habita aliquali

temporis moderatione.

4. Quarto mutuas pecunias suas absolute loquendo, potest eas a debitore quouis tempore repetere. I. quod dicimus de solutionibus. §. omnes. & glo. ver. dub. institut. de verbo. obli. Dans aut pecunias suas ad cambium, non potest eas ante tempus ad solutiones cambiorum designatum repetere, quapropter non est contractus mutui. Dico igitur (saluo semper iudicio) huiusmodi Lugdunense aut Bezenzonense cambium non esse contractum mutui, sed esse contractum emptio- nis & venditionis, emptione videlicet se tenente ex parte cam- pforis, venditione vero ex parte capientis ad cambiū: pecunia enim, quæ datur a campfore puta Genuæ, se habet ut preciū: quæ vero Lugduni aut Bezenzoni a capiente ad cambiū cō- signanda est, ut stat sub illa distantia localis, se habet ut res ve- nalis. Pecunia enim non solum vendi & emi potest, ut est pur- rum aurum vel argētum, eo videlicet modo quo venditur, & per se, pro auro vel argento fracto: verū etiam vendi & emi potest, in quantū pecunia, quamuis non per se, sed per acci- dens, idest per aliud, videlicet gratia suæ materiæ puta auri, vel argenti, ex quo cōflata est. quod qdē a simili sic astrui potest.

Quod sit con-
tractus emptio-
nis et venditio-
nis.

Pecunia duobus
modis ven-
dibilis est.

Quod pecunia
ut pecunia sit
vendibilis.

1. ratio.

Cap. 6.

Quemadmodum enim ex Philosopho primo Pol. cōstat, ip- sa re artificiali, quatenus artificialis est, duobus modis uti pos- sumus. Vno quidē modo, quo ad eius propriū & principalem vsum, q est is, ad quem ipsa res artificialis, ut sic artificialis est, primo & principaliter ordinatur. Alio vero modo, quo ad eius cōmunem & secundarium vsum, qui est omnis eius vsus alius a primo, ad quem tamen ipsa res artificialis, in quantū ta- lis est, cōmunitur & secundario ordinari potest. exempli gra- tia, ipso calceo uti possumus dupliciter, videlicet quo ad eius propriū & principalē vsum, qui est calciatio, ad quam (ut sic) primo ordinatur, ob calciationem enim calceus primo inuen- tus est: & etiā quo ad eius cōmunē & secundariū vsum, puta emptionem & venditionē, quæ tamen emptio & venditio etiā cōpetit calceo in quantū calceus est, emitur enim & venditur calceus, non solū pro puro corio aut panno laneo vel serico, verum etiam & in quantum calceus est, licet ipse calceus nō ad emptionem & venditionem, sed ad calciationē primo & pro-
prie

prie sit ordinatus: primus enim vsus cōpetit calceo per se simpliciter & absolute in quantum calceus est, secundus vero .s. emptio & venditio cōpetit calceo, etiam in quantum calceus est, sed non simpliciter & absolute, sed per accidens, idest per aliud gratia .s. suae materiae, in quantum videlicet calceus est de corio, vel de pāno lano aut serico. Hoc idē & de qualibet alia re artificiali dici potest, quod .s. ea vti possumus, & quo ad eius primū & propriū vsum, ad quem videlicet primo & proprie ordinatur: & quo ad emptionē & venditionē, ad quā etiā, vt talis rei artificialis, cōmuniter & secūdario ordinatur. Cū autem & ipsa pecunia, vt pecunia est, qd artificiale sit, ea ē vt sic) vti possumus dupliciter. Primo quidē, quo ad eius vsum propriū & principalem, qui simpliciter & absolute cōpetit ei, vt pecunia est: & hic est, vt ex statuto legis sit valor siue precium rerū venaliū. Ad hoc enim, ipsa pecunia (vt sic) primo adiuncta & ordinata ē, vt habetur primo Poli. & 8 Echi. & ipsa (vt sic) formaliter & absolute est omnino inuendibilis: quia sicut albedo non potest esse alba, sed est id quo aliquid formaliter est album, ita valor siue precium non potest appreciari, sed est id quo alia appreciantur, seu est regula appreciandi. & ad hunc sensum intelligendi sunt Doct. quum dicūt pecuniā esse omnino inuendibilem. Secundo autem modo vti possumus pecunia, quo ad eius vsum communem & secundarium, alium videlicet à primo; qui tamen cōpetit ei, etiam vt pecunia, non tamen simpliciter & absolute, sed per accidēs, idest per aliud, videlicet gratia suae materiae, vt videlicet ē valor in tali vel tali materia, puta auro vel argento, ex quo ipsa pecunia conflatā est. & ipsa (vt sic) sicut & de calceo dictum est, gratia suae materiae emi & vendi ac appreciari potest. Et, vt formaliter arguatur, dicatur sic, Omnis res artificialis, vt artificialis est, gratia suae materiae emi & vendi potest: sed pecunia, vt pecunia, est res artificialis, vt artificialis est: ergo pecunia, vt pecunia, gratia suae materiae emi & vendi potest. Minor de se ē nota, & Maior patet ex declaratione à simili facta, & etiam inductiue discurrendo per singula artificialia: quare &c. Tres ergo propositiones habitae sunt de ipsa pecunia, quarum vna est, quod si sumatur pecunia vt ex legis statuto, est simpliciter valor siue precium

Cap. 6.

Cap. 14.

Quomodo pecunia sit omnino inuendibilis.

Rō formalis.

precium rerum venalium, est omnino inuendibilis. Secunda
 est q̄ si pure sumatur pro auro vel argento fracto, est vendi-
 bilis per se. Tertia, si sumatur, vt pecunia ē ex tali vel tali ma-
 teria, est vendibilis per accidens, idest per aliud, gratia .s. suę
 2. materię. Secundo, hoc idem sic astruitur. Secūdu enim Phi-
 Cap. 7. losophum primo Pol. per argumentum a cōtrario clare, elici
 potest, quod supposita ipsius artis campforiæ, honestate finis,
 sicut & modi in hac parte supponimus, licitum sit lucrari, cō-
 mutando pecuniam cū pecunia: quod sane sub eodem prin-
 cipe esse non posset, si ipsa pecunia semper daretur & accipe-
 retur solum secundum valorem legalem, cū sub eodem prin-
 cipe valor pecuniarum legalis idem sit: opus est igitur secūdu
 mentem Philosophi, quod ipsa pecunia ex altera parte ratio-
 nem rei venalis habere possit, & ita sit vēdibilis: ex altera ve-
 3. ro, rationem precii. Tertio sic, Philosophus primo Pol. ex-
 Cap. 6. presse vult, quod quis possit vti pecunia aliter quā vt precio
 rerū venalium, & ibi dat exemplum a simili superius positum
 de calceo. quapropter quis potest vti pecunia vt re venali, quia
 omnis res corporalis vtilis homini, est aut precii aut appres-
 4. ciabile. Quarto sic, omne id quod cū lucro recte dari potest
 ad locationem, potest etiā emi & vendi. Hęc propositio ē per
 se nota, cum omne tale sit pecunia æstimabile, sed pecunia est
 huiusmodi. hæc minor ē Abb. in prot. titulo de vsuris, ac etiā
 & Diui Thomę. D. Egidii Romani. D. Archic. Flo. & om-
 nium summiſtarū. quare &c. Illud itaq; dictum Diui Ambrosij,
 quod adducitur Dist. 47. c. sicut, qđ videlicet ex pecunia,
 pecunia non nascitur, intelligendū est in contractu mutui, vt
 ex ipsius mer diui Ambrosij verbis clare elici potest: in mutui
 enim contractu cōmittuntur vsurę, vt habetur rub. de vsuris
 .c. consuluit &. 14. q. 3. per totū. Quinto sic, omne id quod po-
 test æstimari maiori vel minori precio ē vendibile, sed ipsa pe-
 cunia est huiusmodi, ergo &c. maior enim suis terminis patet,
 minor vero clare habetur rub. de censibus. c. olim causam, et
 .c. cum canonicis, facit. l. quoniā C. de rerū permut. l. permuta-
 tionem. consequens est igitur vt ipsa pecunia, eō modo quo
 dictum est, emi & vendi possit, & ita in contractu cambii Lug-
 duhen. aut Bezenzonem. potest esse contractus emptionis &
 vendi

venditionis, emptione videlicet se tenente ex parte campforis,
venditione vero ex parte capientis ad cambium.

Cap. sextum, Quod pecunię vt loco distantes minus valeant quā vt præsentes.

Et quoniam, vt superius dictum est, vt contractus emptionis & venditionis iuste fiat, inter precium & rem venalem æqualitas seruanda est: vt huiusmodi æqualitas in ipsa numismatum cōmutatione clarius cognoscatur, notandū est, quod si campfor Genuæ emens pecunias, sibi Lugduni consignandas, soluit precii Genuæ, pecuniæ illæ siue scuti illi de marcha Lugduni consignandi, ipsi campfori Genuæ existentū, per se loquendo, minus valent, quā si sibi Genuæ assignaretur, quā per se loquendo, res loco distans, minus valet emptori: quā præsens. Hoc enim clare patet inductiue in omnibus, discurrendo per singula. Alia ratio est, quia res subiecta periculis, laboribus, & expensis, minus valet, quā ipsa eadem ab huiusmodi oneribus libera, sed pecunia loco distans emptori, ad hoc vt ad ipsum transuehatur, p se loquēdo, subest periculis, laboribus & expensis, igitur ipsa pecunia, vt sic, ipsi campfori minus valet, quā si ipsa esset præsens, atq; ab huiusmodi oneribus libera. maior est per se nota, similiter etiam & minor. Tertio hoc idē sic astrui potest, In cambiis enim illis realibus quæ alias communiter fieri solebant, quum videlicet quispiam negociandi gratia, volebat ad alium locum se transferre, suas campfori dabat pecunias, vt ipse campfor suis literis pecunias illas illo in loco ei consignari faceret, secundum omnes Doct. qui de hac re hactenus scripserunt, ipse campfor sic assignari faciens pecunias illas, aliquid lucri inde iuste lucrari poterat, quia. s. hoc modo illarum pecuniarum causa secum cōtrahentis, translatoris vicem gerebat, & in huiusmodi translatione, per se loquendo, pericula, labores & expēsas subibat. Nec huic rei obstarēt, si campfor puta Genuen. haberet fratrem, aut factorem illo in loco habentem illas pecunias. Neq; etiā obstarēt, si omnino erat illo in loco tantam pecuniarum summam pro aliis suis negociis expensurus, & ad locum illum missurus. Hæc enim omnia per accidens se habent ad naturā contractus,

1. ratio.

2.

3:

Responsio ad
tacitam obiectionem.

contractus, in cuius æqualitate consistit iustitia, qd enim attineat ad naturam contractus ipsius cōmutationis, in qua æqualitas rei ad rem esse oportet, si ex ipsius campforis industria, aut casu, ipse in diuersis locis consanguineos habet, aut ministros, siue pro eo agentes, forte gratis inuenit, & exinde viarum, ministrorumq; expensas lucrando diues fiat? modo tamen ponderatis rerū cōditionibus, æqua lance fiat cōmutatio? his igitur rōnibus satis clare cuilibet cōstare pōt, quod pecunię loco distantes p se loquēdo (vi sic) minus valēt quā præsentes.

Cap. septimum, Quod cessante omni fraude cambia Lugdun. siue Bezenzon. recte celebrantur

Altera cōclusio principaliter intenta. Ex his omnibus cōiunctim sequitur responsio pro altera parte ad propositū, quæ situm, & est altera conclusio principaliter intenta, quæ talis est: Cambia Lugdunen. siue Bezenzon. cessante omni quauis fraude ac praua adinventione, de qua supra, recte celebrari possunt. Hæc conclusio ex prædictis primo probatur sic. In huiusmodi cambiis sic celebratis, est contractus emptionis & vēditionis, & nulla quauis fraus aut praua adinuentio, de qbus supra, in eis intercedit: ergo, vt sic, recte celebrari possunt, Antecedens quo ad eius primā partē, patet cap. 5. huius. quo vero ad secūdā, et patet ex supposito: cōsequentia vero, si recte pōderētur & penitus excludātur oēs quæcūq; prauę adinuēctiones q̄ in prima parte huius tractatus enarratæ sunt, sicut & in hac cōclusiōe nostra excludūtur, secundū doctrinā tam Theologorū quā canonistarū, admittēda ē.

2. Secundo sic, in istis cambiis sic celebratis, arbitrio bonorū & peritorū virorū, seruatur æqualitas iustitię cōmutatiuæ: ergo iuste fiunt. cōsequentia apud omnes est nota, & antecedēs ex dictis in prima parte & cap. 6. huius secūdæ partis, satis liquet.
3. Tertio sic. In istis cambiis sic celebratis, pars capiens ad cambium arbitrio bonorū & peritorū in arte campforia, non grauatur, & distantia temporis nihil lucri affert: ergo vt sic, recte celebrantur. consequētia apud omnes Doct. de materia campforiorum loquentes. est nota, antecedens vero ex prædictis recte pōderatis clare sequitur.
4. Quarto sic. cōmutatio numismatum facta in istis cambiis sic celebratis in primis ad bonum publicum

blicum, subinde ad beneficium tam emptoris quam venditoris
 recte ordinatur, ergo recte & iuste fit, antecedens ex dictis pa-
 tet. consequentia vero inferri potest ex verbis Philosophi pri-
 mo Pol. vbi vult, quod emptio & venditio, vt iuste fiat, ad bo-
 num publicum & ipsius emptoris ac venditoris beneficium fienda est. Cap. 6.
 Quinto sic, in cambiis illis realibus p literas quæ alias
 fieri solebant, quãdo. sc. campfor suis literis curabat vt pecunie,
 puta hic Genuæ acceptæ, alio in loco puta Neapoli assigna-
 rentur secum contrahenti, vt superius dictum est, secundum
 omnes Doct. qui de hac re hætenus scripserūt, ipse campfor
 sic assignari faciēs pecunias illas aliquid lucri inde iuste lucrari
 poterat, quia videlicet hoc modo causa ipsius secū cōtrahen-
 tis, illarum pecuniarū translatoris vicem gerebat, & per se lo-
 quendo, in huiusmodi translatione pericula labores & expen-
 sas subibat: quam ob rem nobis dicendum est contractum hūc
 esse licitū & necessarium ac iure gentium & naturali rōne mu-
 nitū: quia campfor pro bono cōmuni ad instantiā secū cōtra-
 hentis subijt pericula viarum & nunciorū damna, pensiones
 operarum, & salaria factorum vt not. in. l. pericula. ff. de naut.
 fē. & l. traiectione. ff. de act. & oblig. & l. qui Romæ §. 1. & l. si
 hēres. ff. ad. l. falcidiam, sic igitur etiam hic à simili argui potest,
 puta cum petrus accipiens à campfore pecunias loco præsen-
 tes, idem campfori restituat pecunias loco & regno distantes,
 videlicet Lugduni, & campfor. per se loquendo, nō possit pec-
 unias illas reducere Genuam, nisi subeat viarū pericula, nun-
 ciorum damna ac omnia & singula eadem onera, quæ ab ipso
 Bal. de alio cambio adducuntur, quæ igitur ratione etiā in hoc
 Lugdunen. Cambio cessante omni fraude, celebrato, sicut &
 in illo non potest aliquid lucrari? si enim in cambiis illis reali-
 bus in quibus campfor causa secum contrahentis, suis literis &
 industria transferet pecunias ab vno loco in alium locum, iuste
 aliquid lucratur. & plus & minus secundum maiorem & mi-
 norem locorum distantiam, quæ de causa etiam in istis realibus
 cambiis, cessante omni fraude, celebratis, campfor causa secū
 cōtrahentis, suis literis & industria, transferens pecunias Luga-
 duno Genuam, & ab vno regno in aliud regnum, nō potest
 etiam iuste aliquid lucrari? campfor enim exercendo cambia

Lugdunensis est ne forte peioris conditionis, quia prius secum
contrahenti dat suas pecunias & aliquo tempore usu earum pri-
uatur, quā sit campfor qui alia cambia exercebat, & prius quā
suas pecunias, secum contrahenti alio in loco consignaret, ab
eo accipiebat pecunias & eis aliquo tempore poterat uti? Hoc
sane nullus sani capitis admitteret. quare &c. Sexto sic, si huius-
iustmodi pecuniarum emptio & venditio in isto Lugdunen- camp-
bio cessante omni quauis fraude, de qua supra, non iuste fieret,
neque etiam alia, quaecumque fuerint illae, aliarum quarumcumque res-
rum emptiones aut venditiones iuste fierent, immo nec fieri
possent, & sic pene tota rerum negotiatio penitus tolleretur
quod sane esset absurdissimum, & publico commodo atque huius-
manae vitae & necessitati intollerabile, probatur sequella, quor-
um iam per iam dicta, in isto cambio sic celebrato, omnia & singu-
la ad iniustitiam contractus emptionis aut venditionis iustitia
ut patet, penitus tolluntur, quae vero ad emptionis iustitiam
conferunt apponuntur, si ergo emptio in hoc cambio sic ce-
lebrato, non iuste fit, nec etiam emptiones aut venditiones om-
nium aliarum quarumcumque rerum quouis modo iuste fieri pos-
sent, & quia hoc est absurdissimum & intollerabile, ergo illud
ex quo sequitur; quia propter ex his rationibus nobis dicendum
videtur, quod cambium Lugdunen. siue Bezenzonen. cessans
te omni quauis fraude de qua supra, recte ac iuste celebrari
possit. Huius opinionis est Bal. in rub. C. de consti. pecu. &
in questione per eum disputata, quae dicit statuto cauetur, quod
fenerator, in prin. & Archi. 14. q. 3. c. primo ac Saly. in auc.
ad hanc in 11. q. c. de usuris. & Ioannes de Ana. in cap. nauis
ganni. de usuris. & Io. Cal. in consilio 11. posito sub rubrica
de usuris & D. Alex. Imol. in consilio 611. in 2. volum. incip.
viseo processu cause vertetis, in ult. col. & D. Iason de mayno
super prima parte codicis. c. de summa Tri. & si. caih. hunc
eundem cambii Lugdunen. contractum, hoc modo, ut dictum
est celebratum approbat et Reuerendissimus. D. Thomas de vio
Caie. Cardinalis & D. Siluester de Prierio Magister sacri Pa-
latii in sua summa, & alii quod plures. Gof. vero & Hostien. &
quidam alii qui hunc contractum vel ei consimiles damnant,
hoc ideo damnant, quia ut eorum scriptis patet, dicunt ipsum esse
contractum mutui spe lucri celebratum. Alii vero, ut D. Archie.

Flo. & Laur. de Rodul. & qdā summiſtæ de huiusmodi cambio loquentes ad neutram partem ſe determinant, quia videliſ cet dubitant an ſit contractus emptionis vel mutui, qui aut huiusmodi cambii contractum, eſſe contractū emptionis & venditionis, vel reducibilis ad emptionem affirmant. hūc cambii Lugdunen. contractū, ceſſante omni fraude celebratū, tanq̃ ſuſtū admittunt & approbant, cū aut ſuperius multis rationibus declaratū & probatum fuerit, hūc cambii contractum, non eſſe cōtractum mutui, ſed emptionis & venditionis, ſi (vt dictū eſt) ceſſante omni quauis fraude ac praua adinuetione celebretur, recte ac iuſte admittendus & approbandus eſt : & hæc quo ad ſecūdā huius noſtri tractatus partē dicta ſufficiāt.

Tres tamen difficultates in huiusmodi Lugdunen. aut bezen. cambiis, ſic vt dicitur, recte celebratis, inſurgere poſſunt, quarum prima eſt ratione temporis, in quo ſecūdū cōmunē conſuetudinem licet dari ad cambiū, quoniā initio temporis quo datur ad cambium pro nundinis illis, tuncim mediate ſequentibus, cōmuniter & vt plurimum minus dari ſolet, ac minori precio emuntur pecuniæ Lugduni assignandæ, quam medio aut poſtremo tempore dari & emi ſoleat, videtur ergo quod ex anticipata precii ſolutione, pecuniæ Lugduni conſignandæ minori emantur precio quam emi deberent, quo fit vt cōtractus iſte uſurarius ſit cenſendus. per argumētum a contrario, cap. nauiganti, caſu ſecūdo. Secūda autem difficultas ex parte venditorū ſue capientium ad cambiū oriri poteſt, quādoq; enim immo ſepius contingit. quod ipſi capientes ad cambiū pro Lugduno aut Bezenzono non habeāt pecunias exiſtentes Lugduni aut Bezenzoni ipſi camſori conſignandas, neq; etiam habeant ibi agentes pro eis, immo quandoq; neq; etiā habeant modū ibidem habēdi huiusmodi pecunias assignandas, aut ſaltem modum ipſum niſi magna cum difficultate inuenire poſſunt, quo fit vt ipſi capientes ad cambium, quādoq; rogare cogātur eoſdemmet camſores a quibus pecunias ad cambium acceperunt, vt ſuis propriis literis curent quod nomine ipſorum capientium ad cambium tales pecuniæ Lugduni assignandæ ſibi assignentur, quā ob rem ſequitur, quod ipſi

campsores quādoq; scienter emant pecunias ab illis, quos scide
aut probabiliter credunt eas nec habere, neq; etiā saltem nisi
magna cum difficultate Lugduni habituros: quo fit vt huius
modi pecuniarum emptio siue cōmutatio non videatur recte
neq; bona fide celebrata. Insuper sequitur quod ipsimet cam
psiores ab eo emant pecunias, quas statim quo ad locum tenus
pus & formā penitus integras & inmutatas causa lucri eidem
sunt vendituri, qui sine sic ementes secundū Diuū Chryf. su
per Matth. & adducitur. 88. Dist. c. eliciens. de tēplo Dei sunt
eiiciendi, facit. c. quicūq; .q. 4. Tertia difficultas oritur ex par
te campsores, quandoq; enim contingit quod ipsi campso
res suas ad cambium dent pecunias tantummodo initio tem
poris dandi pro nundinis illis, & hoc ideo faciūt, quia (vt dis
ctum est) tunc cōmuniter minus dari solet pro quolibet scuto
de marcha Lugduni assignando, quam medio aut postremo
tempore, dari soleat. Adueniente postea medio tempore aut
postremo, ipsimet non dant, sed capiunt ad cambium pro eis
dem nundinis pro quibus prius dederunt, & hoc causa lucri,
quia tunc communiter plus datur, quam initio temporis datū
fuerit: quo fit vt hac eorum anticipata solutione siue datione,
sequatur iniustitia in prima difficultate iam tacta, ex datioe ve
ro & acceptione simul cōiunctim iniustitia secūda, quare &c.
Ad primam difficultatem & rationem, vno modo posset dici
ad antecedens, non semper contingere, quod initio temporis
quo dandum est ad cambium, minus detur pro pecunia Luga
duni assignanda, quam medio aut postremo tempore, immo
quādoq; medio aut postremo tempore minus datur quā ini
tio temporis datum fuerit: & hoc propter varios rerum euens
tus in toto illo intermedio tempore contingentes, sicut etiam
hoc Anno. 1554. his superioribus nundinis hic Genue de
facto contigit, verum quoniam hoc raro contingit, alio mo
do respondendo dicitur negando consequentiam illam, quia
quod initio temporis minus detur, quam medio aut postremo
tempore, hoc nō procedit, vt inferitur, ex anticipata solutio
ne, sed ex maiori venditorū & capientium ad cambium abun
dantia, capientes enim ad cambium ideo capiunt quia egent
pecuniis, vel vt maius damnum quā sit illud in quod ex cam
bio

bio incurrunt euitent, vel sicut ferè communiter contingit, vt
ex pecunijs ad cambiũ acceptis magis lucrètur, quàm sit id quod
dant campfori, hæc aut cōmode fieri non possunt nisi habita
ad solutionem aliqua temporis cōmoditate, quia raro contin-
git quod cum ad cambiũ capiunt tunc actu habeant pecunias
Lugduni præsentēs. Intermediũ ergo tempus ē occasio quod
inueniantur venditores siue capientes ad cambium, quo fit vt
multũ tempus intermedium sit occasio multorũ venditorũ, &
paucum tempus paucorũ vēditorum & multorũ emptorum,
iccirco multo interiaccēte tempore, propter abundantia ven-
ditorũ, nisi aliquid aliud tunc de nouo eueniat, rationabiliter
minus datur d̄ soluētibus, qui sunt quasi ementes marchas ab-
sentes, & modico interiaccēte tempore, propter abundantia
emptorum plus ab eis ementibus datur, dummodo igitur pec-
cunia loco & tempore absens. vendatur iusto precio. cōtra-
ctus est licitus. vnde cum contractus huiusmodi cambiorum,
abstracta ista differētia temporũ, liciti sint, vt ex superioribus
patet, & hæc tēporis differentia. prædicto modo saluari possit
sit, restat quod si pensata loci absentia & distātia, iuste fiat ta-
lis numismatum commutatio, contractus tales iniusti iudicari
non debeant, animaduertendum tamen est quod huiusmodi
tempus intermedium non debet esse nimis longũ, quia, vt dic-
tum est in prima parte huius, tunc bene valeret consequētia
facta, debet igitur esse congruum & moderatum, vt .f. conse-
quitur localem distantiam, inter videlicet locum datæ & locũ
recipiēdæ pecuniæ secundũ quā distātia nihil nisi in tempore
moueri pōt, etiā si huiusmodi tempus sit aliquantulũ ma-
ius quā huiusmodi distantia requirat, quia, vt dictum est, da-
tur etiam ad debitam & honestam cōmoditatem mercatorum
& ad cambiũ capiētium: & hoc rationabiliter, quia bono fine,
propter publicũ videlicet in primis & cōmune bonum, non
affectu & arbitrio singulorum, sed cōmuni omniũ, vt decet,
consensu, & accedente ad id principis autoritate, non per
rorem, sed ex certa scientia, ac diurnitate temporis, facientia
bus consuetudinem vim legis habentem, qua propter si arbi-
trio bonorũ & peritorũ in arte campforia virorum, inter datā &
recipiēdam pecuniā seruatur equalitas, & bona fide cōgruog
tempore

tempore cambium Lugdunen. aut Bezenzonem. celebretur,
huiusmodi cambii contractus ratione predicti temporis damna-
ri non debet. hoc etiam modo, ut ex dictis patet, responden-
dum est ad rationem tertie difficultatis quo ad eius primam par-
tem. Ad secundam autem rationem dicitur, quod si campfor scis-
ret aut probabiliter crederet, se ad cambiū pro Lugduno suas
pecunias dare pauperi, qui id pro quo dantur pecunie illae,
nullatenus posset ei consignare, illas sic dando usurarius esset
censendus, vel in fraudem usurarum faceret, usurā siue lucrū
inde a paupere accipiendo, si vero probabiliter crederet quod
capiens ad cambium posset pecunias illas pro quibus dantur
deinde Lugduni consignare ita in rei veritate posset. quāvis
tamen cum difficultate, ipse campfor recte & sine cōscientiā scrup-
ulo posset ei ad cambium suas dare pecunias, & etiā percipe-
re inde lucrum, si quid lucri ex huiusmodi cambio sequeretur,
tum quia pecunie illae & lucrum Lugduni cōsignanda, aliquo
modo sunt, & ita emi & vendi possunt, per l. si iactum retis. ff.
de act. emp. & vend. ubi licita ē emptio facta de sola spe pro-
babili, vel quasi in actu, & idē de partu futuro. l. nec emptio. ff.
de contrahen. emp. tum et quia campfor nō tenetur plus dili-
gere alienas diuitias quā suas; Similiter si cōtractu cambii bo-
na fide iam confecto, campfor deinde ad instantiam capientis
ad cambium, potentis tamen soluere, sitis literis ordinet ut illi
scuti de marchā qui sibi Lugduni debetur, vel eis æquiualens,
nomine capientis ad cambiū sibi soluantur, propter hoc cul-
pandus non esset, quia id non primaria intentione lucri, sed, ut
dictū est, ad instantiam capientis ad cambium & potentis solu-
uere sine quauis iniustitia facit, nec cap. ei sciens, nec cap. quis
cunq; in contrarium adducta, aduersus hanc nostram cōclu-
sionem militant. quia illa cap. ut ibi patet, de vendente causa
lucri loquuntur, quod nō fit in hoc casu nostro, si quis tamen
bona fide alicui suas ad cambium dedisset pecunias, & deinde
cognosceret aut probabiliter crederet ipsum capientē ad cam-
bium esse impotentem ad cōsignandū pecunias debitas Lug-
duni, vel alibi, nihil lucri inde potest accipere, & si accepisset,
illud illi pauperi restituere debet, sicut in prima parte huius
tractatus. quum de decima ipsorū campforū praua adinuen-
tione